



國家清史編纂委員會・文獻叢刊

八編

清代稿鈔本

第三五六冊

國家清史編纂委員會·文獻叢刊

八編

清代稿鈔本

第三五六冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

·廣州·

第三五六冊目錄

時事紀錄

一

先中丞公奏議

一七五

時事紀錄

一卷

靜觀書樓
輯

鈔本

廣東省立中山圖書館藏

時事紀錄卷之一

目錄

請誅權臣除宦寺糾政

皇上立憲法予民權摺

上振貝子書

戒煙演說

時局圖題詞

香江靜觀書樓置

請誅權臣除宦寺歸政

皇上立憲法予民權摺

呈為國勢危急民心憤怒合情籲乞立誅權臣盡除

宦寺歸政 皇上立定憲法大予朝權以救危亡敬

請代奏事竊為方今大地交通強國林立莫不令國

民而圖治變舊法而日新發憤為雄庶幾不敗若守

舊不變專制壓民未有不敗亡者也又更無端而內

亂廢君外攘殺客更未有不敗亡者也橫覽近事波



蘭印度之亡突厥西班牙之削琉球緬甸安南突尼
斯馬達加斯加基哇阿霸科爾貓基悅拉爾之城非
洲十數萬里之分可為寒心者矣 然一以仁明英
武之姿為捨身救民之事變法更始百度維新命天
下人得上書而與民權決開舉國議院而立憲法萬
國觀聽聳目而為起敬非民忤舞延頸而望自強此
中國自立之第一機會也乃權臣榮祿內憂守舊恐

見惡 聖主致失富貴於是造作謠煽惑深宮遂
有戊戌八月幽廢我 皇上之事舉國憂疑若失慈
父天下憤怒失望自強既乃推翻新政誅戮賢良禁
抑報館大起鈎獄廣練武衛六軍以圖威制四海圖
立溥儀為嗣以期危殆 聖躬溥海內外洵思變
慮 聖主不則中國亂亡故民等百餘萬眾聯電力
爭十數友邦責言咸騰疑議天下人心亦可知矣眾

怒難犯違天不祥荷蒙 皇太后鑒察大變特為
皇上舉行萬壽是時宜即復予明辟俾救國危則中
國可強 皇太后亦可安富尊榮從容頤養矣此中
國自立之第二機會也而權臣榮祿以廢立難成陰
謀狡作以為國民之變怒易制而強鄰之伏羲可憂
故欲弑君必先攘外於是上則密煽太上之載漪為
之主持中則激厲粗愚之董福祥為之奔走下則收

擒拳匪之季來中爲之驅除遂至創大難而圍使館
絕邦交而戮行人發密令而殺教民鼓羣盜而誅外
客以至萬邦大怒八國興師用是京邑荆榛津遼流
血生民塗炭廟社震驚中國之亡危於累卵 皇太
后雖幸得生出國門倉皇西狩布衣將敝豆粥難求
然不爲石晉之李后南宋之謝后幾希矣 皇太后
迴望闕城驚心烽火得無自思悞聽權臣致危宗社

上何以對 列聖在天之靈下何以謝億兆塗炭之
苦乎中外以 聖主尚在諒其無他國土不分秉輿
得返喁喁仰望咸謂回鑒之後復能維新此中國自
立之第三大機會也乃迴鑒經年未聞歸政累詔變
法依然守舊所謂新政者外但有剝民脂膏加稅重
征之事內惟有榮祿李聯英結黨鬻官之舉自三月
以後但聞重修宮苑並假托變法以塗人耳目者亦

不聞矣且訛言孔得又有榮祿李聯英謀行廢弒之
事播於內外矣以故廣西直隸相繼變起河南承德
接踵兵興民旣含怨十萬萬賠款之來皆自榮祿烏
之而令吾民賣子女竭脂髓出之心旣不甘且慮變
法不行 聖主不測盡忠効命盡賠款此十萬萬後
而中國之亡可立見大款之賠又再來也日本二萬
萬款未償不下五年而今四萬萬五千萬之款復見

矣 皇太后雖欲置一喙亦何以解衆心乎以故內
外憂恐徬徨無措奔走相告聚集同謀愚者皆懼勇
者思變上自士夫下至閭井徧於山僻及於海外人
人怨怒人人憤激人人知亡人人思亂人人思逆命
以救國人人思發憤以殺奸不期而集不謀而同人
心如此大變如此若密雲不雨伏藥徧地土崩瓦解
可立見也夫以人心之變如此大勢之危如彼然而

皇太后不鑒覆轍尚戀政權尚蔽佞宦以榮祿為心
腹以李聯英為性命託以全國縱其虐民恐中國之
小安而亟危之慮民心之太順而迫變之憂朝祚之
未亡而促絕之恐壽命之太長而自短之也今舉朝
大小皆知危亡矣以榮祿操生殺之權屢興黨獄頻
戮忠良以示威天下故舉朝百官皆欲戴皇上復
辟而不敢言欲誅權宦而不敢發貪生頃刻不

敢觸權臣之怒而致身首之誅故迴鑒經年未有敢
以歸政請者未有敢以誅戮請者試問 皇太后臨
朝數十年來事勢之險變至此而耳目蔽塞有如是
者乎則是何故也虎豹守關豺狼當道故也然而
皇太后以禁城為國土以宦寺為人民聾無所聞安
無所驚寢於薪火之上而自以為暖游於漏舟之中
而自以為樂立於巖墻之下而自以為安行於薄冰

之上而自以為固一旦火燃舟沉冰裂牆壓身既不
保國與俱亡北魏胡后可以為鑒試問 皇太后雖
愛李朕英榮祿而榮祿李朕英能永保 皇太后臣
乎昔秦二世蔽於太監之趙高故楚兵入關而不知
期年被趙高弑之而遂亡隋楊廣蔽於宇文化及故
羣盜徧地而不聞卒為宇文化及弑之而亡 皇太
后不知之耳若知之則事移勢變心腹即為倒戈之